

potrošačke jedinice, odnosno budžetskih organa i tijela koji spadaju u njihovu nadležnost.

(3) Nadzor nad korištenjem budžetskih sredstava od strane budžetskih korisnika, i sredstava izvanbudžetskog fonda, obavlja Ministarstvo – Stručni savjetnici za unutrašnju reviziju.

(4) Reviziju Budžeta Kantona vrši Ured za reviziju institucija u Federaciji Bosne i Hercegovine, u skladu sa Zakonom o reviziji institucija u Federaciji Bosne i Hercegovine (“Službene novine Federacije Bosne i Hercegovine”, broj 22/06).

## DIO ŠESTI - KAZNENE ODREDBE

### Član 61. (Kaznene odredbe)

Novčanom kaznom od 1.000,00 do 3.000,00 KM kaznit će se za prekršaj odgovorna osoba korisnika Budžeta ako:

- sredstva Budžeta ne upotrebljava za one namjene za koje su sredstva utvrđena i preuzme obavezu iznad utvrđene u Budžetu (član 4.);
- stvara obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika (član 8.);
- Ministarstvu ne dostavi prijedlog mjesečnog operativnog plana u propisanom roku (član 11.);
- postupe suprotno članu 49. ovog zakona;
- postupe suprotno članu 51. ovog zakona;
- ne vode evidencije pomoćnih knjiga (član 55.).

## DIO SEDMI - ZAVRŠNE ODREDBE

### Član 62. (Ovlašćenje za donošenje podzakonskih akata)

Ovlašćuje se Ministar da donosi pravilnike, uputstva, naredbe i druge akte o provedbi ovog zakona.

### Član 63. (Stupanje na snagu)

Zakon stupa na snagu narednog dana od dana objavljivanja u “Službenim novinama Zeničko-dobojskog kantona”.

Broj: 01-02-9482/10  
Zenica, 31.03.2010. godine

**ZAMJENIK  
PREDSJEDAVALJUĆEG  
Ivo Tadić-Iva, s.r.**

65.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko -dobojskog kantona na 40. sjednici, održanoj dana 30.03.2010. godine, d o n o s i

## Z A K O N o izmjeni i dopuni Zakona o kantonalnim ministarstvima i drugim tijelima kantonalne uprave

### Član 1.

U članu 10. u stavu 1. u trećoj alineji Zakona o kantonalnim ministarstvima i drugim tijelima kantonalne uprave – prečišćen tekst („Službene novine Zeničko-dobojskog kantona“ broj: 13/08, u daljem tekstu: Zakon), tekst „održavanje, zaštitu, rekonstrukciju i izgradnju i upravljanjem regionalnim i lokalnim cestama“ se briše.

### Član 2.

U članu 10. iza stava 1. Zakona, dodaje se stav 2. koji glasi:

„U sastavu Ministarstva za prostorno uređenje, promet i komunikacije i zaštitu okoline nalazi se upravna organizacija „Kantonalna direkcija za ceste“.  
Kantonalna direkcija za ceste obavlja upravne i stručne poslove koji se odnose na:

- poslove održavanja i zaštite cesta,
- pripreme dugoročnih i srednjoročnih planova razvoja cesta, i izvještaja;
- pripreme srednjoročnih i godišnjih planova i programa održavanja, zaštite, rekonstrukcije i izgradnje cesta kao i izvještaja o realizaciji tih planova i programa;
- pripreme plana obnove;
- investicijske poslove za održavanje i obnovu, rekonstrukciju i izgradnju;
- investicijske poslove za osiguranje potrebne studijske i projektne dokumentacije;
- pripreme i realizaciju programa mjera i aktivnosti na unapređenju sigurnosti prometa;
- poslove zaštite cesta;
- prijedloge finansijskih planova kao i finansijska izvješća o realizaciji tih planova i programa, i osiguranje sredstava za potrebe cesta;
- vođenje evidencije (baza podataka) cesta, objekata, prometne signalizacije i opreme na cestama i katastra cestovnog zemljišnog pojasa;
- prikupljanje podatka i obavještanje javnosti o stanju cesta i načinu odvijanja prometa;

- poduzimanje potrebnih mjera za očuvanje i zaštitu okoline;
- vršenje javnih ovlaštenja proisteklih iz Zakona o cestama Federacije BiH.“

### Član 3.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“

Broj: 01-02-9483/10  
Zenica, 31.03.2010. godine

**ZAMJENIK  
PREDSJEDAVALAČ  
Ivo Tadić-Iva, s.r.**

66.

Na osnovu člana 37. stav 1. tačka g) Ustava Zeničko - dobojskog kantona, Skupština Zeničko – dobojskog kantona, na 40. sjednici, održanoj 30.03.2010. godine, d o n o s i

### **ODLUKU o načinu korištenja raspoloživih sredstava sa ESCROW računa**

#### **Član 1. (Raspoloživa sredstva)**

Ovom odlukom utvrđuje se način korištenja sredstava, preko iznosa javnog duga, u iznosu od 8.168.621,00 KM, ostvarenih prodajom preduzeća od kantonalnog značaja, kao i priliva sredstava ostvarenih otplatom dodijeljenih kredita za privredni razvoj, zapošljavanje, stambenu izgradnju i komisionih kredita, koja se vode na posebnom ESCROW računu, otvorenom kod IKB DD Zenica.

#### **Član 2. (Namjena korištenja sredstava)**

Sredstva iz člana 1. ove odluke, koristit će se za investicione projekte infrastrukture na području Zeničko-dobojskog kantona.

#### **Član 3. (Utvrđivanje projekata)**

Projekte koji će se finansirati iz sredstava iz člana 1. ove odluke, utvrdit će Vlada.

### **Član 4. (Stupanje na snagu)**

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-14-9484/10

Zenica, 31.03.2010. godine

**ZAMJENIK  
PREDSJEDAVALAČ  
Ivo Tadić-Iva, s.r.**

67.

Na osnovu člana 37. stav 1. tačka f) Ustava Zeničko-dobojskog kantona i člana 26. Zakona o prostornom uređenju („Službene novine Zeničko-dobojskog kantona“, broj: 2/04 i 2/08) Skupština Zeničko-dobojskog kantona, na 40. sjednici, održanoj 30.03.2010. godine, donosi:

### **ODLUKU o pristupanju izmjenama Prostornog plana Zeničko-dobojskog kantona (2009-2029.)**

#### **Član 1. (Vrsta dokumenta)**

U Prostornom planu Zeničko-dobojskog kantona (2009.-2029) (u daljem tekstu Prostorni plan) („Službene novine Zeničko-dobojskog kantona“, broj: 4/09) s ciljem stvaranja odgovarajućih pretpostavki za nesmetan privredni razvoj i omogućavanje izgradnje plinovoda Zenica-Travnik, ukupne dužine cca 40 km, koji je od javnog interesa za Federaciju Bosne i Hercegovine, pristupa se izmjeni tekstualnog i grafičkog dijela koji se odnosi na poglavlje 2.9.4. „Ostali vidovi energije“, podnaslov „Plin“ radi utvrđivanja nove trase plinovoda od Zenice prema Travniku.

#### **Član 2. (Granice područja za koje se dokument mijenja)**

Prostorni plan mijenja se za područje općine Zenica.

#### **Član 3. (Vremenski period)**

Vremenski period za koji se radi izmjena Prostornog plana je 2010.-2029.godine.